



Aningaasaqarnermut Akileraartarnermullu Naalakkersuisoq

Ulloq: 28. august 2025

J.nr.: 01.31.11/25EM-LABU-00025

Naalakkersuisut 2026-mi aningaasanut inatsisissatut siunnersuutaat.

Aningaasaqarnermut Ataatsimiititaliap oqaaseqaatai apeqqutaalu:

Aningaasaqarnermut Akileraartarnermullu Naalakkersuisut 2026-mi aningaasanut inatsisissatut siunnersuutaata ataatsimiititaliamit suliarineqarneranut malitseqartitsissutitut ataatsimiititaliap apeqqutai suliarineqarput.

2026-imi aningaasanut inatsisissatut siunnersuummi nalinginnaasumik nassuiaatinik misissuineq ataatsimiititaliap apeqqutaanut aallaavigineqarpoq. Ataatsimiititaliap apeqquteqarnerani nalinginnaasumik nassuiaatini immikkoortut apeqqummut tunngassuteqartut inner-suussutigineqartassapput.

Aallarniut

1. Naalakkersuisut ima paasissutissiipput:

Taakku saniatigut aningaasanut inatsisissatut siunnersuummi suliassaqaarfinni 10-80 ingerlatsinermit tapiissutinullu aningaasaliissutini inatsisitigut piumasaqaataanngitsuni tamani annertuumik 2,5 procentit missaannik tamanut annertoqatigiiaartumik ileqqaarniarnerit ingerlanneqarput. Taamaallaat peqqinnissamut immikkoortoq (34) aamma ineqarnermut attaveqaateqarnermullu immikkoortoq (70-72) innertoqatigiiaartumik ileqqaarniarnernut taakkununga ilaatinneqanngillat. (qup. 175)

- 1.1. Assigiimmik annertussusilimmik tamani sipaaruteqarniarneq missingersuutitut ilanngussaq naapertorlugu suliassat ingerlanneqarnissaannut qanoq kinguneqassanersoq, tassalu inuiaqatigiinnut qanoq annertutigisumik eqquissanersoq, Naalakkersuisut erseqqinnerusumik nassuiarsinnaavaat?
- 1.2. Assigiimmik annertussusilimmik tamani sipaaruteqarniarneq aaqqissuusseqqinnissamik pilersaarutini kalluaassava?
- 1.3. Allaffissornerup iluani sipaaruteqarnerit, tassunga ilanngullugu assigiimmik annertussusilimmik tamani sipaaruteqarnerit, qanoq annertutigisumik ingerlateqqinneqalersaarpas?

2. Naalakkersuisut ima paasissutissiipput:

Aaqqissuusseqqilluni sulinissami immikkuualuttut pingaarnerit pilersaarutaasut tassaapput:

- *Sumulluunniit attuumassuteqanngitsumik aaqqissuusseqqinnermut isumalioqatigiissitamik pilersitsineq*

- *Immikkut ilisimasalinnik siunnersortinillu pisariaqartumik suleqateqarneq*
 - *Namminersorlutik Oqartussani aaqqissuusseqqinnermut immikkoortortaqaarfimmik ataavartuusinnaasumik pilersitsineq*
 - *Kommunit aaqqissuussiffigeqqinnerannik ataqatigiissaarineq* (qu. 177-178)
- 2.1. Kikkut sumulluunniit attuumassuteqanngitsumik aaqqissuusseqqinnermut isumalioqatigiissitamiissappat? Taakku suminngaanniit Naalakkersuisunit pissarsiari-nialersaarneqarpat?
 - 2.2. Aaqqissuusseqqinnermut isumalioqatigiissitaq sunik suliassaqaartinneqassava?
 - 2.3. ”Namminersorlutik Oqartussani aaqqissuusseqqinnermut immikkoortortaqaarfiup ataavartuusinnaasup” suliassaqaarfik sorleq sularissavaa?
 - 2.4. Aaqqissuusseqqinnermut isumalioqatigiissitap sulinissaanut aningaasanik immik-koortitsisoqarsimanngilaq. Qanoq aningaasalersorneqartussatut Naalakkersuisunit eqqarsaatigineqarpa?

Attassiinnarnissamut Ineriartortitsinissamullu Pilersaarut II

3. Naalakkersuisut ima paasissutissiippat:

Siunertaq tassaavoq namminersortumut immikkoortup nukittorsarnissaanik siuarsaaneq aamma aningaasarsiorneq imminut napatitsinerusoq, matumani tulluittut ilanngullugit makku aqutugalugit:

- *Inuussutissarsiutit akileraartarnerannik aaqqissuusseqqinneq tunaartaqartoq.*
 - *[...]*
 - *Mingutsitsinngitsumik Siuariartornermut pilersaarummi atuutilersitsineq: akornusersuutaanngitsumik takornariaqartitsineq, nukissiuutit mingutsitsinngitsut aamma Carbon Capture and Storage (CCS).*
 - *[...] aalisarnermi aningaasaqarneq pillugu ilinniarfimmik pilersitsineq aamma aalisarnermut siunnersuisoqatigiit kikkunnulluunniit attuumassuteqanngitsut, paasissutissanik katersisarnermik nukittorsaaneq. (qup. 178-179)*
- 3.1. Inuussutissarsiortut akileraarutaannik aaqqissuusseqqinnerit suut pineqarnersut Naalakkersuisut itisilersinnaavaat? Qitiutinneqarpat kinguaariit nikittarnerat, suliffeqaarfimmik nutaamik pilersitsinissamik pilerinarsaaneq imaluunniit allarluinnaq pineqarpa?
 - 3.2. Konto 82.30.01 aammalu suliniutit akimorlugit, erseqqinnerusumik oqaatigalugu CCS-imut aammalu erngup nukinganik nukissiorfinnut tunngatillugu, aningaasanik 2025-mit 2026-mut agguataarinermi allanngortoqarsimanersoq Naalakkersuisunit erseqqinnerusumik taasaqarfigineqarsinnaava?
 - 3.3. Kikkut aalisarnermut siunnersuisoqatigiinni kikkunnulluunniit attuumassuteqanngitsuni ilaassanersut Naalakkersuisunit paasissutissiissutigineqarsinnaava?
 - 3.4. Aalisarnermi aningaasaqarneq pillugu ilinniarfik sumi pilersinneqarlunilu aaqqissuusaanikkut sumi inissisimassava?
 - 3.5. Aalisarnermut siunnersuisoqatigiit kikkunnulluunniit attuumassuteqanngitsut erseqqinnerusumik sumik suliassaqaassappat?
 - 3.6. Aalisarnermut siunnersuisoqatigiit kikkunnulluunniit attuumassuteqanngitsut aaqqissuusaanikkut sumut atassappat?

3.7. Paasissutissanik katersisarnermik nukittorsaanermik oqarnermi suna pineqarpa?

Aningaasaqarnikkut pissutsit pingaarnerit

4. Naalakkersuisut ima paasissutissiipput:

Taakku ataatsimut isigalugu 2026-mut aningaasanut inatsisissatut siunnersuummi aningaasaqarnikkut periarfissanik malunnaateqarluartumik ikilisitsinikuupput. Allanguutit pingaartumik utoqqalinermi soraarnerussutisianut aningaasartuutit malunnaitilimmik amerlinerannut, akileraarutinit aamma pisuussutitut akitsuutinit isertitat ikinnerulernerannut kiisalu Namminersorlutik Oqartussat ingerlatseqatigiiffiutaannit naatsorsuutigisamik pissarsiassat appartinnerannut tunngasuupput. (s. 180)

4.1. Silap allanngoriartornerata sunniutai 2026-mi aningaasanut inatsisissatut siunnersuummi qanoq annertutigisumik ilanngunneqarpat aammalu silap pissusaata allanngoriartornerata kinguneranik nioqqutissat akiisa qaffakkiartornerannut aammalu mittarfiit tikinneqarsinnaassusianni unammilligassat nunatta aningaasaqarnikkut qanoq annertugisumik piareersimaffigai?

4.2. Nioqqutissat akiisa qaffakkiartornerannut qisuariaatitut niueqatigiiffiit allat suut Naalakkersuisunit misissorneqarpat? Amerikamiut eqqussuinermi akitsuutininik qaffaagaluttuinnarnerat Kalaallit Nunaannut qanoq kinguneqassava?

4.3. Pisuussutininik nalittorsaanerup nunani allani pinnani Kalaallit Nunaanni annertunerusumik pinissaata taamaalillunilu nioqqutissanik nunatsinneersunik nalitunerulersitsinissap qulakkeernissaanut qanoq periarfissaqarpa?

4.4. Nunatsinnut eqqussuinerup annikinnerulersinneqarnissaanut taarsiullugulu immi-nut pilersornermi tunngavissap annertunerulernissaanut Naalakkersuisut qanoq pilersaaruteqarpat? Konto pingaarnermi 51.07.08-mi, Kalaallit Nunaanni Imminut pilersornerup inerisarneqarneranut tunngasumi, aningaasat immikkoortinneqartut atorneqarnissaat Naalakkersuisut itisilersinnaavaat?

5. Naalakkersuisut ima paasissutissiipput:

Tamakku ilutigisaannik ataatsimut isigalugu akileraarutinit isertinneqartartunik appaaneq pisimavoq, piffissap 2026-2029-p ingerlanerani ikileriaatit 278 mio. kr.-iunissaat missingerneqarluni. Ineriartorneq ilaatigut nuna tamakkerlugu akileraarutip appasinneranit patsiseqarpoq, tamatuma aningaasaqarnikkut ineriartornerup kigaanerulerneranut politikikkullu allannguutitut sunniuteqarnikuuvoq – matumani 2025-mit inunnut ilanngaatiq qaffanneqarnera ilanngullugu. Aammattaaq pisortat suliffeqarfiutaannit suliffeqarfinnut akileraarut appartinneqarnikuuvoq, isertitat ikinnerulernerisa kingunerisaanik. (qup. 180-181)

5.1. Isertitsissutaasinnaasutut periarfissat allat pilersinneqarsinnaasut suut Naalakkersuisunit misissuiffigineqarpat? Tassunga ilanngullugu takornariaqarnermi isertitsissutaasinnaasunik nutaanik suli peqarnerseq ilanngullugu paasissutissiis-sutigineqassasoq kissaatigineqarpoq.

5.2. Nunatta Danmarkillu akornanni marloqiusamik akileraaruteqannginnissamik isumaqatigiissutip allanngortinneqarnissaa siunertaralugu Danmarkimut isumaqatiginninniarnissamik aallartitsinissamut Naalakkersuisut qanoq pilersaaruteqarpat?

Tassunga ilanngullugu Namminersorlutik Oqartussani sulisut sumiluunniit najugaqaralarunik tamarmik Kalaallit Nunaannut tamakkiisumik akileraartussaa-titaanissaat pilersaarutitut ilaatinneqarnerisut ilanngullugu paasissutissiisutigineqassasut kissaatigineqarpoq.

- 5.3. Piffissap ilaannaani aalajangersimasumi sulisartut nunanit allaneersut malittarisassat malillugit eqqortumik akileraartussaatitaasutut nalunaarsorneqarnissaat Naalakkersuisunit qanoq qulakkeerneqartarpa? Piffissap ilaannaani aalajangersimasumi sulisartut Kalaallit Nunaanni ullormi siullermi sulilernerminnit akileraartaleraluarpata qanoq isertitaqaataassagaluarpa?
6. Kalaallit Nunaanni innuttaasut ikittuinnaammata nunanut allanut sanilliullugu CO₂-mik aniatitsineq annikitsuaraannaassasut isumaqarnarpoq. Tamatuma peqatigisaanik Kalaallit Nunaata aniatitaata annikitsuaraannarmilluunniit qaffariarnera suliffeqarfinnut/ingerlatseqatigiiffinnut ataasiakkaanut aningaasaqarnikkut annertoorujussuarmik kinguneqarsinnaavoq.
- 6.1. Tassunga atatillugu Naalakkersuisut qanoq siunnersuutissaqarpat? CO₂-mik aniatitsinerup annertussusia isiginiaatigalugu suliffeqarfiit annertusarnissaannut qanoq periarfissinneqarnissaat Naalakkersuisunit eqqarsaatersuutigineqarpa?
- 6.2. CO₂-mut akitsuutit qaffakkiartornerat Royal Arctic Linemut aningaasaqarnikkut qanoq kinguneqassappat?
- 6.3. CO₂-mut aammalu avatangiisut tunngasumik akitsuutit innuttaasunut nioqqutissat akiinut qanoq sunniuteqassappat?
7. Naalakkersuisut ima paasissutissiippat:
- Piffissap 2026-2029-p ingerlanerani aningaasartuutit 348 mio. kr.-inik amerleriaateqassasut naatsorsuutigineqarpoq, tamanna inatsisitigoortumik aningaasartuutitut tamarmiusunut amerlinerisa 75 procentit missaannik naleqarpoq. Amerleriaat innuttaasut utoqqaat amerlanerulernerannik, kiisalu soraarnerussutisiallit amerlanerulernerannik, kisianni ikorsiissutit siusinnerusukkut pitsannguuteqartitsinerit aamma sunniuteqarnerannik patsiseqarpoq. (qup. 180)*
- 7.1. Taamatut ineriartortoqarnerata kingunerisassai iliuuseqarfiginiarlugit Naalakkersuisut suliniutinik aallartitsilersaarpat? Tassunga ilanngullugu Kalaallit Nunaata nunanit allanit assingusunik unammilligassalinnit isumassarsiorsinnaanera misissorneqarnerisut pillugu paasissutissinneqarnissat ataatsimiititaliamit kissaatigineqarpoq.
- 7.2. Utoqqalineri soraarnerussutisiallit suliffeqaannarsinnaanerisa orniginarnerulernissaanut Naalakkersuisut qanoq pilersaaruteqarpat pilersaarutillu taakku qanoq sunniuteqartussatut Naalakkersuisunit naatsorsuutigineqarpat?
- 7.3. Tassunga atatillugu allannguutissatut siunnersuut una 2024-mi upernaakkut ataatsimiinnermi immikkoortoq 50-imi akuersissutigineqarpoq: Utoqqalinersiallinut isertitani killingititanik piigaqarneq pillugu siunnersuummi kingunerisassanik Naalakkersuisut naatsorsueqqullugit peqquneqassasut. Naatsorsuusiartut *kingusinnerpaamik Inatsisartut 2024-mi ukiakkut ataatsimiinneranni* Inatsisartutunut saqqummiunneqassapput.

Immikkoortup tamatuma malitseqartinneqarnissaa ataatsimiititaliamit kissaatigineqarpoq, tassungalu ilanngullugu naatsorsuinerit pineqartut aallartinneqarsimanersut paasissutissiissutigineqassalluni. Kingunerisassat pillugit paasissutissat pigineqarpata tigunissaat ataatsimiititaliamit naatsorsuutigineqarpoq.

Aningaasaqarnikkut ingerlatsineq aningaasaqarnikkullu piviusut

8. Naalakkersuisut ima paasissutissiipput:

Naalakkersuisoqatigiinnissamut isumaqatigiisummi aamma Attassiinnarnissamut Ineriartortitsinissamut Pilersaarut II-mi nunami inuussutissarsiortut ineriartornerisa siuarsarnissaannut atugassatut nunami allammiut aningaasaliissuteqarneri pingaaruteqartorujussuupput. Nunami allamiut ingerlatsisut maani aningaasaliigaangamik taamaallaat aningaasanik pilersuineq ajorput, kisiannili aamma teknikikkut ilisimasanik, niuernikkut piginnaasanik aamma nunarsuarmi niuerfinnut isersinnaanermut ammaasisarlutik. (qup. 186)

8.1. Aningaasaliisartunut nunani allaneersunut ingerlatseqatigiiffinnillu nunani tamalaani ingerlatsisunut orniginarsaanerup ilaatut Kalaallit Nunaanni qarasaasiaqarfinnik pilersitsinissamut Naalakkersuisut qanoq pilersaaruteqarpat?

8.2. Konto pingaarnermi 24.11.24-mi, aatsitassanut, sermimut imermullu akitsuutitut tunngasumi, 2026-mi siunissamilu 0 kr.-inik isertitaqartoqarnissaata nassuiarneqarnissaa ataatsimiititaliamit qinnutigineqarpoq.

9. Naalakkersuisut ima paasissutissiipput:

Suliffissarsiortutut nalunaarsorsimasut amerlassusaat 2024-mi unikaallassimagaluarput massakkullu ukiuni arlaqalersuni siullermeerluni nunatsinni suliffissaaleqisut amerliartortutut isikkoqalerput [...] Suliffissaaleqisut amerliartornerinut suliffeqartut ineriartornerinullu kiisalu suliffeqarnermi tunniussimanissaannut kajumissutsinut tunngatillugu apeqqutit nunatsinni kommunit Naatsorsueqqissaartarfillu suleqatigalugit misissoq-qissaagassaapput. (qup. 191)

9.1. Pingaartumik Kalaallit Nunaanni ilinniagartuutut ilinniartitaanermut atatillugu sulinermik misiliiffissat amerlanerusut pilersinniarlugit Naalakkersuisut qanoq pilersaaruteqarpat?

Missingersuutit inissisimanera 2026 – Pisortat aningaasartuutaasa amerliartornerisa killissaa

10. Naalakkersuisut ima paasissutissiipput:

Missingersuusiortarnermut Naatsorsuuserisarnermullu inatsit naapertorlugu pisortat aningaasartuutaasa siuariartornerinut qummut killiliussassaq ukiut tamaasa aalajangersarneqartarpoq. Ingerlatsinermut, tapiissutit sanaartugassanullu aningaasaliissutissat qummut killilerneqartarput missingersuutitigut inissisimanermillu taaneqartumi aningaasartuutit annertunerpaaffilernissaanut tunngavigineqartarluni. (qup. 191)

- 10.1. Aningaasanut inatsisissatut siunnersuut kommuninut, minnerunngitsumillu isumaginninnikkut aningaasartuutaannut inatsisitigut pisussaaffiusunut, qanoq tigussaasunik kinguneqassava?
- 10.2. Siunertanut aningaasaliissutit iluanni suliassaminnik ingerlatsinerminni kommunit inatsisinik najoqqutarisassanilluunniit malinnissinnaanngitsut Naalakkersuisunit maluginiarneqarsimava?
- 10.3. Isumaginninnermut Naalakkersuisoqarfik tapiissutit tunniunneqartarnerannut maleruagassanik aalajangersaasartoq, taakkunungalu ilaasut naatsorsuusiortarnermut, ukiumoortumik nalunaarusiortarnermut, missingersuusiortarnermut suliassanilu kisitsisini piumasaqaatit missingersuutitut ilanngussami 31.02.01-imi taaneqarmat ataatsimiititaliamit assersuutigineqarsinnaavoq. Maleruagassat taamaattut kommuninit ingerlatsinikkut aningaasaqarnikullu malinneqarsinnaanerat Naalakkersuisunit qanoq qulakkeerneqarsimava?

11. Naalakkersuisut ima paasissutissiipput:

Pisortat aningaasartuutaasa tamarmiisut annertunerpaamik ukiumut 1 pct-mik ukiullu sisamat ingerlaneranni 2 pct.-mik annertuseriarsinnaanissaat taamaammat inatsisimmi allassimavoq, § 2, imm. 2, nr. 2 takuuk. (qup. 192)

- 11.1. Suliassaqarfinnik imaluunniit konto pingaarnernik missingersuutini sippuere tarfiusinnaasunik Naalakkersuisut maannangaaq ilisimasaqarpat? Taamaasimappat tamanna qanoq pinngitsoortinniarneqarsinnaasutut Naalakkersuisunit naatsorsuutigineqarpa?

Aningaasanut inatsisissatut siunnersuummi isertitassanut missingiinerit

12. Ilaatigut periarfissat atorluarneqanngitsut piffinni ineriartortitsinissamut siuarsaataasinnaasut tunngavissinneqarnissaat immikkut qitiutillugu aammalu tamatumunnga attaveqaasersuutitigut akimmisaarutaasinnaasut pinngitsoortinniarlugit, tassani ilanngullugit nunatta kujataa tunulu, suliniutinik pingaarnersiukkanik 2025-mi aningaasanut inatsit pillugu isumaqatigiissut imaqarpoq (Aalisarnermi isumalluutini atuineri akitsuutit, qup. 196).
- 12.1. Tunitsiviit amigaataanerat annertuumik ajornartorsiutaasutut Naalakkersuisunit isigineqarpa?
- 12.2. Aalisarnermik inuussutissarsiut inuiaqatigiinnut pitsaanerusumik isertitseqataanerusinnaanera qanoq qulakkeerneqarsinnaava?
- 12.3. Tassunga atatillugu najukkani aningaasaqarneq nukittorsarniarlugu tunitsiviit mikinerit siammarsimasut ineriartornissamut qanoq periarfissaqartutut Naalakkersuisunit isigineqarpat?
- 12.4. Najukkani periarfissat atorluarneqanngitsut kommunit ataasiakkaat kiisalu ingerlatseqatigiiffiit Namminersorlutik Oqartussanik pigineqartut suleqatigalugit atorluarneqarnissaat ineriartortinneqarnissaallu qanoq pitsaaquteqartutut Naalakkersuisunit isigineqarpa?

13. Naalakkersuisut ima paasissutissiipput:

Tamatuma ilutigisaanik oqaatigineqassaaq Kalaallit Nunaata kitaani raajat pillugit siunnersuinerup appariartornera pissutigalugu, 2025-mi raajanut pisassiissutit 2024-mut sanilliullugu 19.000 tonsinik ikilertiartinneqarsimapput, 2025-mullu sanilliullugu 2026-mi 3.000 tonsit missaanniittumik suli ikiliseqqinneqarnissaat naatsorsuutigineqarpoq, tamanna 2026-mi pisuussutinit akitsuutinit iluanaarutissatut naatsorsuutigineqartut ikilineqarnissaannut aamma ilapittuutaavoq. (qup. 197)

13.1. Aalisarnermit isertitat kisimik isumalluutaasinnaangitsut tigulaakkami allas-imavoq. Aningaasartuutit qaffakkiartortut (nalunaarsuiffik 1 AIS2026-mi aningaasartuutit qaffariarnissaannut killiliussat; IST, mio. kr.) qanoq aningaasalersorneqassanersut kiisalu isertitassat pisariaqartinneqartut nassaarineqarnissaannut Naalakkersuisut qanoq pilersaaruteqarnersut itisilerlugu nassuiaatigineqassasoq ataatsimiititaliamit ujartorneqarpoq.

13.2. Sinerissamut qanittumi taamatullu avataasiorluni aalisarnermi aalisakkanik pisassiissutit aalisartunit tamakkerlugit atorluarneqarnissaat ilimanarpa?

13.3. Avataasiorluni saarullittassat ilanissaannut Naalakkersuisut pilersaaruteqarpat? Aalisakkat allat pitsaanerusumik atorluarneqarsinnaanerisa misissuiffigineqarnissaat pillugu Naalakkersuisut qanoq pilersaaruteqarpat?

13.4. EU-mut aalisagartassiissutit allanngortinnissaannut Naalakkersuisut qanoq periarfissaqarpat, taamaaliornikkut aalisartut kalaallit pisassiissutininik namminnek atorluaasinnaaqqullugit, taamaalillutillu toqqaannartumik isertitaqarneruleqqullugit? Taamatut allannguneq qanoq kinguneqartussatut missingerneqarpat?

Ingerlatseqatigiiffinni Namminersorlutik Oqartussanit pigineqartuni annerpaani ineriartorneq

14. Naalakkersuisut ima paasissutissiipput:

Tusass 2024-mi suli attaveqaasersuutinit aningaasalersuinerimik aallussisimavoq, matumunnga nuna tamakkerlugu internetikkut oqarasuaatitigullu attaviit qulakkeerineri ilanngullugit, pilersuisussaannerup qulakkeerneqarnissaa pingaarnarpaatut aallussiffigalugu. Tamakku saniatigut attaveqaasersuutit sanaartorneqarlutillu nutarterneqarput, taamaalilluni pisisartunut misigisassat maanna piusut soqutiginaateqartullu tunniunneqarnissaannut attaveqaatit qulakkeersinnaassagamigit. Aningaasalersuinerit taakku piffissami periusiorfiusumi 2025-2028-mi ingerlateqqinnissaat naatsorsuutigineqarluni. (qup. 198)

14.1. Aningaasaliinerit nutarterinerillu taakku akinut sullitanit akileneqartussanut kiisalu ingerlatseqatigiiffiup angusaanut qanoq sunniuteqartussatut naatsorsuutigineqarnersoq paasissutissiissutigineqassasoq ataatsimiititaliami kissaatigineqarpoq.

14.2. Nalunaarsuiffik 5-imi 2024-mi Namminersorlutik Oqartussat aktiaatinik piginnegatigiiffiutaasa anginerpaat naatsorsuutaat kingullit pillugit nalunaarsuummi paasissutissiissutigineqarpoq Tusass 20,8%-imik sinneqartooruteqarsimasoq. Ingerlatseqatigiiffinnut Namminersorlutik Oqartussanit pigineqartunut allanut sanilliullugu kisitsit tamanna qaffasissorujussuusorinartoq ataatsimiititaliamit

oqaatigineqassaaq. Tusass’-ip ingerlatseqatigiiffimmik aningaasaqarnikkut ingerlalluartumik ingerlatsisinnaassuseqarneranut qanoq takutitsiva, aamma ingerlatseqatigiiffinnut Namminersorlutik Oqartussanit pigineqartunut kiisalu Kalaallit Nunaanni avataanilu ingerlatseqatigiiffinnut sanilliunneqarsinnaasunut allanut sanilliullugu?

Namminersorlutik Oqartussani kommuninilu akiitsut ineriartorfiunerat

15. Naalakkersuisut ima paasissutissiipput:

Ataatsimut isigigaanni Namminersorlutik Oqartussat aktiaateqarluni ingerlatseqatigiiffiutaanni kommuninilu siunissami akiitsuisa amerlinissaat naatsorsuutigineqartoq nalunaarsuiffiup takussuserpaa. (qup. 201)

15.1. Taamatut ineriartortoqarnerata ersarissumik takutippaa akitsuutit annertusineqarnissaannik pisariaqartitsisoqartoq. Akileraartarnermut Aqutsisoqarfik tamatumani annertuumik suliassaqarpoq suliassaqarfimmullu tassunga pilersaarutit ilisimanngilagut. Akiitsut ikilisinniarlugit suliniutissat suut ingerlanneqalernersut Naalakkersuisunit paasissutissiissutigineqarsinnaava?

15.2. Innuttaasut akiligassatigut kinguaattoorutai ikilisinniarlugit pisortallu akiitsunik akiliisitsiniartarnerat oqilisarniarlugu suliniutit suut Naalakkersuisunit aallartineqartussatut pilersaarutigineqarpat?

16. Nalunaarsuiffik 6-imi Namminersorlutik Oqartussani, namminersorlutik oqartussat aktiaateqarluni ingerlatsiviutaanni kommuninilu piffissami 2023-2028-mi akiitsut erniaqaataasussat ilanngaaseereerlunilu akiitsut erniaqaataasussat ineriartornissaannut naatsorsuutigisanut tunngasumi, Naalakkersuisut paasissutissiipput Namminersorlutik Oqartussat aktiaateqarluni ingerlatseqatigiiffiutaasa akiitsui ernialersukkat 2025-mi 7.002 mio. kr.-init 2028-mi 9.451 mio. kr.-inut malunnaatilimmik qaffariaateqassasut. Piffissami tassani kommunit akiitsui ernialersukkat 1.025 mio. kr.-init 1.040 mio. kr.-inut qaffassapput. (qup. 202).

16.1. Taama ineriartortoqarnera Naalakkersuisut nassuiarsinnaavaat?

17. Naalakkersuisut ima paasissutissiipput:

Arctic Umiaq Line Royal Arctic Linemut immikkoortortaavoq. Namminersorlutik Oqartussat Sarfaq Ittuup ingerlanneqarnera pillugu ingerlatseqatigiiffimmut kiffartuussinissaq pillugu isumaqatigiissuteqarput. Umiarsuaq taarserneqartariaqalernikuuvoq, ingerlatseqatigiiffillu umiarsuarmut nutaamut aningaasaliinissamut akissaqanngilaq. Nuna tamakkerlugu angallassinikkut sullissineq tamarmiisoq siunissami qanoq aaqqissuunneqassanersoq pillugu ukiut tulliuttut ingerlaneranni politikikkut isummertoqassaaq, tassungalugu ataatillugu periarfissaasinnaasut tamarmik misissorneqarnissaat pisariaqarpoq, umiarsuarmik ilaasunik angallassisussamik tassunga assingusumik nutaaliaasumillu pissarsinissaq aningaasaqarnikkut annertuumik unammilligassaasussaammat. (qup. 204-205)

17.1. Arctic Umiaq Line pillugu ajornartoorneq sumut killippa?

17.2. Ilaasunik angallassineq ataatsimut isigalugu pilersaarutit Naalakkersuisunit ilisimatitsissutigineqarsinnaappat?

Kommunit aningaasaqarnerat

18. Nalunaarsuiffik 7-imut, *Kommunit aningaasaqarnerannut tunngasumut*, nassuiaammi Naalakkersuisut ima paasissutissiipput:

Nassuiaat – Qeqqata:

a) *Ingerlatsinermut aningaasartuutit amerleriarput pingaartumik atugarissaanermut suliassa qarfiup iluani, innuttaasunut angerlarsimaffiup avataanut inissinneqartunut aningaasartuutit amerlammata, [...] (qup. 207).*

18.1. Angerlarsimaffiup avataanut inissiisarnernut aningaasartuutit amerliartornerat ajornartorsiutip tamatuma annertussusianut ersarissumik takussutissiivoq. Ajornartorsiut taanna ungasinnerusoq isigalugu aaqqiiviginiarlugu Naalakkersuisut suliniutissanik pilersaaruteqarpat?

19. Naalakkersuisut ima paasissutissiipput:

Kommunit aningaasaqarnerisa tamarmiusup pingaaruteqarnerata pitsanngoriartornera malillugu pisorta qarfinni aningaasaqarnermik aqutsinerup ajutooratarsinnaanermillu aqutsinerup pitsanngorsarnissai pillugit kommuninik suleqateqarluni sulisoqartarpoq. Tamatuma saniatigut kommunit peqatigalugit aningaasaqarnikkut nakkutilliineq aallunneqarnerulerpoq. (qup. 207)

19.1. Kommunit aningaasaqarnikkut nakkutilliivigineqarnerisa taamatut eqqumaffigineqarnerulernerat qanoq piviuissunngortinneqassanersoq Naalakkersuisunit paasissutissiissutigineqarsinnaava?

2026-mut missingersuutitut sinaakkutit

20. Kommuninut tunngatillugu ataatsimoortumik tapiissutit ikileriarnissaat missingersuutigineqarpoq, nalunaarsuiffilli 7, *Kommunit aningaasaqarnerannut tunngasoq* (qup. 206), malillugu isertitat 2024-mut sanilliullugu 2025-mi amerleriassasut naatsorsuutigineqarpoq.

20.1. Taamatut ingerlasoqarnera AIS2026-mi ukiunilu missingersuusiorfiusuni ingerlaannassasoq Naalakkersuisunit naatsorsuutigineqarpa? Taamaassimappat tamatumunnga suna tunngaviua?

AIS2026-mut allannguutissatut siunnersuutaasinnaasunik pisareersaaneq

21. Naalakkersuisut ima paasissutissiipput:

Suliassa qarfinni arlalinni ukiap tungaanut qulaajaasoqassaaq, taakkua aappasaaneerinninnermi pingajussaaneerinninnermilu allannguutissatut siunnersuutini saqqummiunneqassapput. [...] Inatsisartuni partiinik aningaasanut inatsit pillugu isumaqatigiinniarnertit tunngavigalugit AIS2026-p pingajussaaneerneqarnissaanut

allannguutissatut siunnersuummut aningaasaliissutissanik saqqummiisoqarumaartoq ilimasuttoqarpoq. (qup. 208-209)

- 21.1. Siunnersuutit aappassaaneerneqarnissaanut pingajussaaneerneqarnissaanullu allannguutissatut siunnersuutit suut saqqummiutilersaerneqarnersut, tamatumunngalu ilanngullugu suliassaqaqfinnik aallunneqartussatut naatsorsuutigineqartunik peqarnersoq, Naalakkersuisunit itisilerneqarsinnaava?
- 21.2. Taamaattumik allannguutissatut siunnersuutit naatsorsuutigineqartut AIS2026-mi atugassiissutigineqartussatut naatsorsukkanut qanoq sunniteqarsinnaassanersut paasissutissiissutigineqassasoq ataatsimiititaliamit kissaatigineqarpoq.
- 21.3. Ilinniartut inaannik sanaartornissamut aningaasartuutissat missingersuutit naatsorsuinermit ilanngunneqannginnissaat Aningaasaqarnermut Akileraartarnermullu Ataatsimiititaliamut akuerineqartussanngortinneqassasoq Naalakkersuisunit siorna siunnersuutigineqarpoq, taamaaliornikkut pingaarnersiutinissamut atugassiissutigineqartussat amerleriarinneqarlutik. Assersuutigalugu sanaartornermut suliassaqaqfinni aningaasartuutit ingerlanneqartut pilersaarutigineqartulluunniit missingersuutit inissisimanerannik naatsorsuinermit ilaatinneqanngissinnaasunik peqarnersoq Naalakkersuisunit maannangaaq paasissutissiissutigineqarsinnaava?

Aningaasanut inatsisissatut siunnersuummi aningaasatigut kisitsisit pingaarnerit

22. Naalakkersuisut ima paasissutissiipput:

Aningaasanut inatsisissatut siunnersuutit oqimaaqatigiissuunissaa qulakkeerniarlugu AIS26-mi ingerlatsinermit tapiissutitullu aningaasaliissutit akinut akissarsianullu naleqqussaannnginnissaq, peqqinnissaqaqfinnut immikkoortumi AA-mik iluarsiiisutit affaanik iluarsiinissaq Naalakkersuisut toqqarpaat. Naalakkersuisut aningaasaliissuteqarfiini ingerlatsinermit tapiissutinullu aningaasaliissutit tamarmik kiisalu kommuninut ataatsimoortumik 2026-mi AA-mut iluarsiivigineqanngillat. Inatsisartut Siulittaasoqarfiata kissaateqarnera aallaavigalugu, aningaasanut inatsisissatut siunnersuummi Inatsisartut immikkoortuanni aningaasaliissutit (Suliassaqaqfik 01), 2,34 procentinik tamakkiisumik AA-mut iluarsiivigineqarput. (qup. 209)

- 22.1. Aningaasanut inatsisissatut siunnersuummi (Suliassaqaqfik 01) Inatsisartut immikkoortuanni aningaasaliissutit Inatsisartut Siulittaasoqarfiata kissaateqarneratigut akinut akissarsianullu tamakkiisumik 2,34 procentimik iluarsiiisuteqarfigineqarput. Taamatut kissaateqarnermut Inatsisartut Siulittaasoqarfiat tunngavilersuuteqarsimanersoq paasissutissiissutigineqassasoq ataatsimiititaliamit kissaatigineqarpoq?

23. Nalunaarsuiffik 9. 2022-2029-mi IST-mi IS-imilu angusarineqartut missingersuutillu (qup. 210).

- 23.1. Nalunaarsuiffik atorneqarsinnaasut ilanngullugit missingersuutit inissisimanerannik ilaneqassasoq ataatsimiititaliamit qinnutigineqarpoq.

Oqaasertaliussat

Oqaasertaliussat aningaasanut inatsisissatut siunnersuummut ilanngussaq 2-mi ilannguneqarput. Oqaasertaliussat inatsisip oqaasertaatut atuupput, taamaalillunilu oqaasertaliussat aqutitigalugit inatsisit allat saneqqunneqarnissaat imaluunniit ilassuteqarfigineqarnissaat qinnutigineqarsinnaavoq. Aningaasaqarnermik aqutsinermut tapertassatut aningaasaqarnikkut atugassiissutissanik tigussaasunik iliuuseqarnissamut Naalakkersuisunik piginnaatitsissutitut oqaasertaliussat pingaarnertut iluseqartinneqartarput.

Naalakkersuisut ataasiakkaat suliassaqaarfiisa iluanni oqaasertaliussat nutaat allanngortitalluunniit pillugit Naalakkersuisut nassuiaataannik tigusaqarnissaq ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa nassuiaatigineqarnerat. Kiisalu nassuiaatip imarissavaa oqaasertaliussap suli pisariaqartinneqarneranut imaluunniit oqaasertaliussamik nutaamik ilanngussisoqarnissaanut tunngavilersuut.

Missingersuutitut ilanngussat:

AI2025-mut sanilliullugu AIS2026-mi aningaasaliissutini allannguutit.


Naalakkersuisut ataasiakkaat suliassaqaarfiisa iluanni konto pingaarnerni aningaasaliissutitut allannguutit Naalakkersuisunit nassuiaatigineqarnissaat ataatsimiititaliamit kissaatigineqarpoq.

Nassuiaat konto pingaarnerni aningaasaliissutit allannguutaannut AA-mut nalinginnaasumik iluarsiiissutitissatut pissuteqanngitsunut imaluunniit aningaasaliissutit allannguutaannut oqartussaaffiit allanngortinneqarnerannut attuumassuteqanngitsunut tunngassuteqartariaqarpoq.

Kiisalu apeqqutitut akissutitut aallarniutigalugu apeqqut akissuteqarfigineqartoq issuarneqartassasoq ataatsimiititaliamit Naalakkersuisunit qinnutigineqarpoq.

Akissutit Aningaasaqarnermut Akileraartarnermullu Ataatsimiititaliamut kingusinnerpaamik sisamanngornermi ulloq 12. september 2025, nal. 12.00 nassuteqquneqarput aammalu Aningaasaqarnermut Ataatsimiititaliap mailianut uunga nassuteqquneqarlutik: FU@ina.alla.gl.

Inussiarnersumik inuulluaqqusillunga



Erik Jensen

Aningaasaqarnermut Akileraartarnermullu Ataatsimiititaliap siulittaasua